



Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Služba za društvene djelatnosti i socijalnu zaštitu

SLUŽBA ZA DRUŠTVENE DJELATNOSTI I SOCIJALNU ZAŠTITU GRADA ZENICA RASPISUJE:

**JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2016. GODINU**

Grad Zenica putem **Služba za društvene djelatnosti i socijalnu zaštitu** poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica iz sljedećih prioritarnih oblasti:

: 1. KULTURA

- 1.1. Kreiranje inovativnih kulturnih sadržaja i programa kroz afirmaciju tradicije i kulturne baštine naroda i nacionalnih manjina Bosne i Hercegovine.
- 1.2. Organizovanje manifestacija kulturno-umjetničkog i zabavnog karaktera za zadovoljavanje potreba građana Grada.
- 1.3. Promoviranje kulturno-umjetničkog amaterizma, volonterizma, timskog rada i očuvanje kulturno-umjetničkog identiteta.
- 1.4. Poštivanje demokratskih principa i standarda kulture, obrazovanja i promocija aktivnosti protiv govora mržnje.

: 2. SPORT

- 2.1. Organizovanje i provođenje amaterskih sportskih manifestacija djece, omladine i odraslih za koje je iskazan prepoznatljiv interes građana i Grada Zenica.
- 2.2. Sportske programe i sadržaje za zadovoljavanje potreba građana i udruženja sa posebnim potrebama na području Grada Zenica.
- 2.3. Pripremanje, organizovanje i provođenje sportskih takmičenja rekreativaca, omladine i djece koji nisu uključena u zvanični sistem takmičenja.
- 2.4. Edukaciju, sportski odgoj i obrazovanje djece i omladine koja nisu članovi sportskih klubova.
- 2.5. Aktivnosti koje promovišu zdrav način života, amaterizam i volonterizam, kao i programi za korisno ispunjavanje slobodnog vremena.

: 3. MLADI

- 3.1. Prevencija maloljetničke delikvencije, zloupotrebe interneta, vršnjačkog nasilja, narkomanije, alkoholizma, i ostalih pošasti suvremenog doba.
- 3.2. Aktivnosti koje podstiču mlade na promociju volonterizma, demokracije, tolerancije i ravnopravnosti spolova, te kreativno izražavanje mladih.
- 3.3. Projekti i programi iz oblasti zaštite prava djeteta.
- 3.4. Organizovanje manifestacija kulturno-umjetničkog i zabavnog karaktera za mlade, maturske zabave i slične manifestacije za koje je iskazan prepoznatljiv interes mladih i Grada Zenica.

4. SOCIJALNA ZAŠTITA

- 4.1. Briga o djeci bez jednog ili oba roditelja, kao i briga o drugim ugroženim kategorijama stanovništva.
- 4.2. Projekti inkluzije osoba sa posebnim potrebama i drugih marginaliziranih i društveno zapostavljenih skupina, te briga o osobama koje zbog fizičkog ili drugog hendikepa nisu u stanju same brinuti o sebi.
- 4.3. Prevencija nasilja u porodici i suzbijanja prosjačenja, skitnje i ostalih oblika negativnog ponašanja
- 4.4. Mogućnost aktiviteta osoba sa invaliditetom i promocija rezultata.

5. OBRAZOVANJE

- 5.1. Edukacija građana o porocima savremenog svijeta kao što su droga, alkohol, pušenje i ostali toksikološki oblici.
- 5.2. Poštivanje demokratskih principa i standarda kulture, obrazovanja i promovisanje volonterizma i timskog rada.
- 5.3. Aktivnosti koje promovišu odgovoran odnos prema prirodi i unaprijeđenju kvaliteta ljudskog života (uređenje okoliša, pošumljavanje, hortikulturno uređenje, organizovanje planinarskih pohoda i sl.).
- 5.4. Programe koji se odnose na sprječavanje vršnjačkog nasilja i maloljetničke delikvencije, te programe za zadovoljavanje interesa lica sa posebnim potrebama.
- 5.5. Programe koji se odnose na građanski aktivizam i uspostavljanje partnerskog odnosa između Grada Zenica i građanskog društva.
- 5.6. Aktivnosti koje promovišu ravnopravnost spolova

Iznosi sredstava za odobrene projekte iznositi će od 1.000,00 KM – 10.000,00 KM (konvertibilnih maraka).

Grad zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije. Dužina trajanja svakog projekta može biti do 10 mjeseci. Izabrani projekti trebalo bi da se provedu u periodu do 31.12.2016. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD-e i NVO-e (udruženje/udruga ili fondacija), u skladu sa važećim zakonskim propisima u Bosni i Hercegovini, s tim da projekat mora biti implementiran na području Grada Zenica. **Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za podnositelje projekta u okviru javnog poziva.**

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u aplikaciji.

Aplikant može konkurisati samo sa jednim projektnim prijedlogom, a projekat može obuhvatiti jednu ili više prioriternih oblast, s tim da primarna oblast mora biti jasno naznačena.

PREUZIMANJE PROJEKTNE DOKUMENTACIJE:

Projektna dokumentacija (projektni prijedlog-Aneks 1, pregled budžeta-Aneks 2, matricu logičkog okvira-Aneks 3 i plan aktivnosti i promocije-Aneks 4) kao i dio dodatne dokumentacije (Aneks 5, Aneks 6, Aneks 7 i Aneks 8) za prijavu na Javni poziv može se preuzeti od 11. januara, 2016. godine, na zvaničnoj Web stranici Grada, www.zenica.ba. Sve potrebne informacije i elektronska verzija cijelog paketa prijavne dokumentacije može se naći na službenoj Web stranici Grada. Pitanja u vezi sa javnim pozivom mogu se postaviti direktno putem telefona Službe, 032 404 939, 032 401 847, 032 240 341, sa naznakom za javni poziv. Pitanja se mogu postavljati do 11.02.2016. godine.

PROJEKTNJA DOKUMENTACIJA MORA SADRŽAVATI SLJEDEĆE:

- popunjena aplikacija (projektni prijedlog-Aneks 1, pregled budžeta-Aneks 2, matricu logičkog okvira-Aneks 3 i plan aktivnosti i promocije-Aneks 4),

DODATNA DOKUMENTACIJA OBUHVATA SLJEDEĆE:

- izvod iz Registra udruženja i fondacija (original),

- kopija važećeg rješenja o registraciji organizacije u BiH (za nositelja projekta/podnositelja i eventualne partnere na projektu),
- kopija statuta organizacije (podnositelj projekta i partneri),
- popunjena forma Administrativni podaci o podnositelju projekta (Word format - Aneks 5),
- popunjena Finansijska identifikaciona forma (Excel format - Aneks 6),
- popunjena i potpisana Izjava o podobnosti (Word format - Aneks 7),
- kopija završnog godišnjeg finansijskog izvještaja za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
- kopija godišnjeg narativnog izvještaja organizacije za prethodnu godinu,
- izvod iz Spiska omladinskih udruženja Grada Zenica, ukoliko se projekat odnosi na oblast mladih

- popunjena Lista provjere (Word format - Aneks 8).

Jedan primjerak seta štampane dokumentacije mora biti original ili ovjerena kopija, dok druga dva primjerka štampane dokumentacije mogu bit neovjerene kopije.

PREDAJA PROJEKTNE I DODATNE DOKUMENTACIJE:

Ispunjena aplikacija (sa kompletnom zahtjevanom dokumentacijom) mora se dostaviti **u tri (3) primjerka u štampanoj formi i jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu, sa naznakom za Javni poziv: Protokol Grada Zenica, Služba za društvene djelatnosti i socijalnu zaštitu, Trg BiH br. 6, 72 000 Zenica. **Elektronska kopija mora minimalno sadržavati obaveznu projektну dokumentaciju (projektни prijedlog, pregled budžeta, matricu logičkog okvira i plan aktivnosti i promocije).**

Rok za predaju aplikacija je četvrtak, 11.02.2016. godine, u 16:00 sati. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Vanjska strana koverta mora sadržavati naziv poziva za predaju prijedloga projekata, puno ime i adresu podnositelja projekta, puni naziv projekta i navod **“Ne otvarati prije zvaničnog otvaranja”**. O primljenoj pošiljci će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni o odluci u vezi sa njihovim prijedlogom projekta, u roku od 30 dana od dana zatvaranja javnog poziva. Rezultati će biti objavljeni na web stranici Grada www.zenica.ba.

Zenica, 11. 01. 2016. godine
Broj:

POMOĆNIK GRADONAČELNIKA

Zijad Softić, dipl.politolog